

տալու համար հզօրին ու զօրաւորին ճշն-
շումներուն և բռնութեանց :

Ահա անոնցմէ մէկն էր Գրիգոր վրդ-
կեսարացի, որուն հակառակօրդներն իսկ
չհամարձակեցան արատաւորել իր անձնա-
կան անբասիր կեանքը, որ ամէն կողմէ
վկայուած է և այս էր թերես այն ոյժը,
որ զինքը կարող կը դարձնէր «յաղրող ա-
խոյեան» հանդիսանալու «ընդդէմ մասառո-
ղաց ճշմարտութեան, երբ մերսակերից և երբ
այլոց սզգաց» :

Արդարեւ, ինչպէս տեսնուեցաւ, անի-
կա ոչ միայն պարտաւորուած էր մաքա-
ռելու Մելքիսեղեկ Գառնեցիներու, Յով-
հաննէս Խուլերու և Զաքարիա Վանեցի-
ներու պէս տիպարներու դէմ, որոնք մենէ
էին, այլ նաև Ֆրանսայի դեսպանին, պա-
պական նուիրակին և անոնցմէ շահուած
թուրք պաշտօնատարներու դէմ, որոնք
օտար էին: Եւ ասոնց դէմ կռուելու հա-
մար միայն իր անձնական արժանիքներն
ունէր և տատանուող ժողովուրդի մը տա-
ռապակոծ զանգուածներուն մէջ պլպլացող
բնազդային ողջմտութիւնը :

Արդարեւ, ինչպէս կը տեսնուի, կե-
սարացին հազուապիւտ տիպարներէն մէկն
է իր դարուն, որ հազիւ մատի վրայ համ-
բուող դէմքեր ունի իր նկարագրով :